

Malengo Ya Kukuwa Kiroho

na

Ellis P. Forsman

Malengo Ya Kukuwa Kiroho

na

Ellis P. Forsman

Oktoba 7, 2011

Malengo Ya Kukuwa Kiroho

Luka 6:40

Ukuaji wa Kiroho ni uwamuzi. Tunaweza kukua kama kweli tunataka.

Somo hili linahusu “Malengo ya Kukuwa Kiroho.” Malengo yetu yanatakiwa kuwa ni nini katika kukua Kiroho? Tunatakiwa tufanyie nini bidii? Ni katika vipimo gani tunavyoweza kutambua kama malengo yetu yametimia na ukuaji wa Kiroho umechukua nafasi?

Kama ilivyo katika jambo lolote, kuwa na malengo na kuyafuata ni muhimu katika kila mafanikio yo yote. Hebu na tujue baadhi ya malengo ya ukuaji wetu wa Kiroho jinsi unavyotakiwa uwe.

Malengo ya Tabia

Malengo yetu dhabiti ni kuwa kama Kristo.

Mwanafunzi lazima awe kama mwalimu wake. Luka 6:40, *“Mwanafunzi hawi mkuu kuliko mwalimu wake, lakini kila mtu ambaye amehitimu hulingana na mwalimu wake.”*

Mapenzi ya Mungu ni kwamba tufananishwe tuwe katika sura ya Mwanaye. Waru. 8:29, *“Maana wale aliowajua tangu asili, aliwachagua tangu asili wafananishwe na mfano wa Mwana wake, ili yeye awe mzaliwa wa kwanza miongoni mwa ndugu wengi.”*

Tunatakiwa tugeuzwe tuwe katika mfano wa Kristo. 2 Wakor. 3:18, *“Lakini sisi sote kwa uso usiotiwa utaji, tukiurudisha utukufu wa Bwana, kama vile katika kioo, tunabadilishwa tufanane na mfano uo huo, toka utukufu hata utukufu, kama vile kwa utukufu utokao kwa Bwana aliye Roho.”*

Ni muhimu kwamba tunakuwa na tuwe kama Kristo.

Hii inajumlisha kukua katika ujuzi wa Kristo.

Petro aliamuru hili. 2 Petr. 3:18, *“Lakini kueni katika neema na katika kumjua Bwana wetu na Mwokozi Yesu Kristo. Utukufu una yeye sasa na hata milele.”*

Siyo tu ujuzi wa taaluma, lakini ujuzi binafsi kupitia uboreshaji wa tabia.

2 Petr. 1: 5-11, *“Naam, na kwa sababu hiyo hiyo mkijitahidi sana kwa upande wenu, katika imani yenu tieni na wema, na katika wema wenu*

maarifa, na katika maarifa yenu kiasi, na katika kiasi chenu saburi, na katika saburi yenu utauwa, na katika utauwa wenu upendano wa ndugu, na katika upendano wa ndugu, upendo. Maana mambo hayo yakiwa kwenu na kujaa tele, yawafanya ninyi kuwa si wavivu wala si watu wasio na matunda, kwa kumjua Bwana wetu Yesu Kristo. Maana yeye asiyekuwa na hayo ni kipofu, hawezi kuona vitu vilivyo mbali, amesahau kule kutakaswa dhambi zake za zamani. Kwa hiyo ndugu jitahidini zaidi kufanya imara kuitwa kwenu na uteule wenu; maana mkitenda hayo hamtajikwaa kamwe. Maana hivi mtaruzukiwa kwa ukarimu kuingia katika ufalme wa milele wa Bwana wetu, Mwokozi wetu Yesu Kristo.”

Kufikia malengo yetu ya Kiroho inahitaji changamoto.

Inahitaji juhudi. (2 Petr. 1:5-11, hapo juu). Inahitaji kuwa na juhudi.

Wagal. 6:7-9, “Msidanganyike Mungu hadhihakiwi; kwa kuwa cho chote apandacho mtu ndicho atakacho vuna. Maana yeye apndaye kwa mwili wake, katika mwili wake atavuna uharibifu, bali yeye apandaye kwa Roho, katika Roho atavuna uzima wa milele. Tena tusichoke katika kutenda mema; maana tutavuna kwa wakati wake, tusipozia roho.”

Ukuaji hauji kiasili; kama hatuko makini, tunaweza kurudi nyuma katika matendo na tabia zetu za zamani.

2 Petr. 2:20-22, “Kwa maana wale waliokwisha kuyakimbia machafu ya dunia kwa kumjua Bwana na mwokozi Yesu Kristo, kama wakinaswa tena na kushindwa, hali yao ya mwisho imekuwa mbaya kuliko ile ya kwanza. Kwa maana ingelikuwa heri kwao kama wasingelijua njia ya haki, kuliko kuijua kisha kuiacha ile amri takatifu waliopewa. Lakini imetukia kwao sawasawa na ile mithali ya kweli, mbwa ameyarudia matapiko yake mwenyewe, na nguruwe aliyeoshwa amerudi kugaagaa matopeni.”

Ukuaji wa Kiroho wa kweli unahitaji kubadilisha nia na tabia.

Waru. 12:1-2, “Basi ndugu zangu nawasihi kwa huruma zake Mungu, itoeni miili yenu iwe dhabihu iliyo hai takatifu ya kumpendeza Mungu ndiyo ibada yenu yenye maana. Wala msiiifuatishe namna ya dunia hii bali mgeuzwe kwa kufanywa upya nia zenu, mpate kujua hakika mapenzi ya Mungu yaliyo mema, ya kumpendeza, na ukamilifu.”

Malengo Yanayofaa

Kanisa ni mwili uliyo na viungo vingi.

Kila kiungo ni muhimu.

1 Wakor. 12:12-22, “Maana kama vile mwili ni mmoja nao una viungo vingi, na viungo vyote vya mwili ule, navyo ni vingi, ni mwili mmoja vivyo hivyo na Kristo. Kwa maana katika Roho mmoja sisi sote tulibatizwa kuwa mwili mmoja kwamba tu Wayahudi au kwamba tu Wayunani; ikiwa tu watumwa au ikiwa tu huru, nasi sote tulinyweshwa Roho mmoja. Kwa maana mwili si kiungo kimoja, bali ni vingi. Mguu ukisema kwa kuwa mimi si mkono, mimi si wa mwili; je! Si wa mwili kwa sababu hiyo? Na sikio likisema kwa kuwa mimi si jicho, mimi si wa mwili; je! Si wa mwili kwa sababu hiyo? Kama mwili wote ukiwa jicho, ku wapi kusikia? Kama wote ni sikio ku wapi kunusa? Bali Mungu amevitia viungo kila kimoja katika mwili kama alivyotaka. Lakini kama vyote vingekuwa kiungo kimoja, mwili ungekuwa wapi? Lakini sasa viungo ni vingi, ila mwili ni mmoja. Na jicho haliwezi kuuambia mkono sina haja na wewe; wala tena kichwa hakiwezi kuiambia miguu, sina haja na ninyi. Bali zaidi sana vile viungo vya mwili vidhaniwavyo kuwa vinyonge zaidi vyahitajiwa zaidi.”

Kila kiungo hakina kazi sawa na ya nyingine.

Waru. 12:3-5, “Kwa maana kwa neema niliyopewa namwambia kila mtu aliyeko kwenu asinie makuu kupita inavyompasa kunia, bali awe na nia ya kiasi kama Mungu alivyomgawia kila mtu kiasi cha imani. Kwa kuwa kama vile katika mwili mmoja tuna viungo vingi, wala viungo nyote havitendi kazi moja; vivyo hivyo na sisi tulio wengi tu mwili mmoja katika Kristo, na viungo kila mmoja kwa mwenzake.”

Kila kiungo lazima kifanye sehemu yake (Waefeso 4:16).

Kama viungo vya mwili lazima tukuwe.

Lazima tutafute na kujenga utendaji wetu wa kipekee katika mwili wa Kristo.

Waru. 12:6-8, “Basi kwa kuwa tuna karama mbalimbali, kwa kadiri ya neema mliyopewa; ikiwa unabii; tutoe unabii kwa kadiri ya imani; ikiwa huduma, tuwemo katika huduma yetu; mwenye kufundisha, katika kufundisha kwake; mwenye kuonya, katika kuonya kwake; mwenye kukirima kwa moyo mweupe; mwenye kusimamia kwa bidii mwenye kurehemu kwa furaha.”

- Kwa wengine itakuwa ni kufanya kazi katika neno (kuhubiri, kufundisha).

- Kwa wengine, itajumlisha kuwa hudumia wengine (kuwatembelea, kuhudumu).
- Kwa wengi, inaweza kujumlisha talanta nyingi na uwezo.

Lazima tutoe talanta zetu (kazi) katika kumtumikia Mungu.

1 Petr. 4:10-11, *“Kila mmoja kwa kadiri alivyoipokea karama, itumieni kwa kuhudumiana; kama mawakili wema wa neema mbalimbali za Mungu. Mtu akisema na aseme kama mausia ya Mungu, mtu akihudumu na ahudumu kwa nguvu anazojaliwa na Mungu; ili Mungu atukuzwe katika mambo yote kwa Yesu Kristo. Utukufu na uweza una yeye hata milele na milele. Amina.”*

Wale wanaosema, na waseme kama mausia ya Mungu. Wale wanaohudumu, kwa nguvu anazojaliwa na Mungu.

Kushindwa kukua kunaleta kudumaa(Waeb. 5:12-14), kwa maana tunahatia ya kuharibu kile ambacho Mungu ametupatia (Math. 25:14-30).

- Waeb. 5:12-14, *“Kwa maana iwapasapo kuwa waalimu, (maana wakati mwingi umepita), mnahitaji kufundishwa na mtu mafundisho ya kwanza ya maneno ya Mungu, nanyi mmekuwa mnahitaji maziwa wala si chakula kigumu. Kwa maana kila mtu atumiaye maziwa hajui sana neno la haki, kwa kuwa ni mototo mchanga. Lakini chakula kigumu ni cha watu wazima, ambao akili zao kwa kutumiwa, zimezoezwa kupambanua mema na mabaya.”*
- Math. 25: 14-30, *“Maana ni mfano wa mtu atakaye kusafiri, aliwaita watumwa wake akaweka kwao mali zake. Akampa mmoja talanta tano, na mmoja talanta mbili, na mmoja talanta moja; kila mtu kwa kadiri ya uwezo wake; akasafiri. Mara Yule aliyepokea talanta tano akaenda, akafanya biashara nazo, akachuma faida talanta nyingine tano. Vile vile na Yule mwenye mbili, yeye naye akachuma nyingine mbili faida. Lakini Yule aliyepokea moja alikwenda akafukua chini, akaificha fedha ya bwana wake. Baada ya siku nyingi akaja bwana wa watumwa wale, akafanya hesabu nao. Akaja Yule aliyepokea talanta tano, akaleta talanta nyingine tano, akisema, Bwana, uliweka kwangu talanta tano; tazama, talanta nyingine nilizopata faida. Bwana wake akamwambia, vema, mtumwa mwema na mwaminifu; ulikuwa mwaminifu kwa machache, nitakuweka juu ya mengi; ingia katika furaha ya bwana wako. Akaja na yule aliyepokea talanta mbili, akasema, Bwana, uliweka kwangu talanta mbili; talanta nyingine mbili nilizopata faida. Bwana wake akamwambia vema mtumwa mwema na mwaminifu; ulikuwa mwaminifu kwa machache, nitakuweka juu ya*

mengi; ingia katika furaha ya bwana wako. Akaja na yule aliyepokea talanta moja, akasema Bwana nalitambua ya kuwa wewe u mtu mgumu wavuna usipopanda, wakusanya usipotawanya; basi nikaogopa nikaenda nikaificha talanta yako katika ardhi; tazama unayo iliyo yako. Bwana wake akajibu akamwambia, wewe mtumwa mbaya na mlegevu, ulijua yakuwa navuna nisipopanda, nakusanya nisipopanda; basi ili kupasa kuweka fedha yangu kwa watoa riba nami nikija ningalipata iliyo yangu na faida yake. Basi mnyang'anyeni talanta hiyo, mpeni yule aliyenazo talanta kumi. Kwa maana kila mwenye kitu atapewa, na kuongezewa tele, lakini asiye na kitu hata kile alichu nacho atanyang'anywa. Na mtumwa yule asiye faa mtupeni mbali katika giza la nje; ndiko kutakuwako kilio na kusaga meno.

Changamoto ya kufikia malengo yetu.

Changamoto ya kutambua majukumu yetu katika mwili wa Kristo. Si kila viungo vina kazi inayofanana; yangu ni ipi?

Nakoswa talanta fulani, au yanahitaji kukuzwa? Je mimi nimepewa talanta, au natumia udhuru sitaki kuikuza kile ambacho nina uwezo nacho?

Changamoto ya kufikia malengo yetu inategemea na ushirikiano wa viungo vyote. Kama hatuja unguana katika hitaji la kukuwa kiroho, inatakiwa tutengeneze malengo ambayo yataboresha ukuaji huo. Kama hatukuwi kila mmoja malengo yo yote yanaweza kushindwa kuyatimiza. Kama tukitaka tukuwe, tunatakiwa tukuwe kama binafsi, na kutengeneza malengo yetu ili kuruhusu hilo!

Mwisho

Ukuaji wa Kiroho inahitaji kurekebisha na kuwa na malengo.

Tunapokuwa na malengo yetu:

- Kristo atatukuzwa.
- Kama mwanafunzi na kiungo katika mwili wake tutakuwa kile anachotaka tuwe.

Kama tunatamani kukuwa Kiroho, hivyo tunahitaji kutengeneza na kushughulikia nidhamu na malengo yafanyayo kazi ambayo itatutia nguvu katika mwongozo mzuri.

